

14 68. 8. 2. 33 1
**D E C R E T A ,
ET HORTATIONES**

**A REVERENDISSIMIS VISITATORIBVS
APOSTOLICIS**

**REVERENDISSIMIS PATRIARCHIS
QUI PRO TEMPORE VRBI VENETAE
PRAEFERINT**

**Et Clero Venetiarum in vniuersum relictae, praeter illas, quae in
visitatione singularum ecclesiarum
sunt factae.**



30
**VERONAE, Apud Sebastianum, & Ioannem Fratres à Donnis.
M. D. LXXXI**




DECRET³A,
ET HORTATIONES


A REVERENDISS. VISITATORIBVS
APOSTOLICIS

REVERENDISSIMIS PATRIARCHIS
QUI PRO TEMPORE
VRBI VENETAE
præsuerint

Et Clero Venetiarum in vniuersum relictæ, præter illas, quæ
in visitatione singularum ecclesiarum
sunt factæ.



DE IIS, QVAE AD REVERENDISS.
Patriarchas pertinent.

 R EVERENDISSIMVM PA-
TRIARCHAM Ioannem Tri-
uisanum non magnopere lauda-
re non possumus, non commenda-
re eius pietatem, eiusq; zelum
honoris DEI, cum in patriarch-
ali suo grauiſſimo munere obeundo nullos
labores subterfugiat, multaq; diligentia, &
A 2 charitatis

4 De ijs, quæ ad Reuerendiss.
charitatis in gregem suum exempla dederit:
pauca tamen quædam decreta, siue hortatio-
nes Reuerendissimæ Dominationi suæ mini-
me necessarias, successuris aliquando Patriar-
chis fortasse vtilis pro nostro Apostolicæ visi-
tationis officio edendas statuimus. hæ autem
sunt.

REVERENDISSIMI Patriarchæ, qui pro
tempore Venetæ vrbi præfuerint, vt numero-
fissimo nobilissimoq; gregi pastores à Domi-
no electi vrbē præstantissimæ Reipub. sedem,
veræ religionis cultricem, & sanctæ sedis Apo-
stolicæ Romanæ adiutricē perpetuam, crebris
visitationibus suis, & administratione Sancti
Sacramenti Eucharistiæ per parochias sermo-
nibus etiā suis paternis consolentur.

SYNODV M dioecesanam singulis annis con-
vocare non desinant, in quam parochi, & Sa-
cerdotes omnes conueniant, & veluti spiritua-
les medici spirituales vrbis ægrotudines pro-
ponant, remedia in medium afferant, consti-
tutiones ad inducendam pietatem, & ad recte
informandum clerum fiant, & si superioribus
Synodis promulgatæ fuerint, ad earum obser-
uationem Sacerdotes excitentur.

IN conferendis sacris ordinibus diligentia ma-
xima

Patriarchas pertinent.

5

xima vtantur in confirmandis illis, quos parochiani ad parochias nominauerint magnā cautionem adhibeant, illos minime confirmet, nisi ab examinadoribus approbatos, quemadmodum sanctum prescribit Trident. Conc.

CONSTITVANT Reuerendissimi Ordinarii duodecim Vicarios, siue parochialium ecclesiarum Visitatores per sex tribus, qui perpetuo ecclesias visitent, & quicquid obserauerint, illis referant, illosq; poterunt è numero parochorum etiam Venetorum deligere viros ætate, & doctrina inter alios Præstantes.

DELIGANT sibi locum aliquem in media vrbis parte, siue apud sanctum Bartholomæum, siue in monasterio Saluatori dicato, vbi duobus saltem diebus in hebdomada viros spirituales, & quoscunque alios ipsos patriarchas alloqui cupientes admittant, illos vt consolentur, ex eorum conscientijs scrupulos, quibus interdum affliguntur, adimant, & paternam erga omnium generum homines ea ratione charitatem exhibeant.

VOCARI iubeant interdum ad se illos, qui confraternitatibus Sanctissimi Corporis Domini nostri **IESV CHRISTI**, & alijs cuiuscunque nominis præsumt, illosq; hortentur ad frequentiam

A

3

quentiam

6 De ijs, quæ ad Reuerendiss.

quentiam Sanctissimorum Sacramentorum,
ad mutuum amorem, ad humilitatem, & ad
pia opera exercenda, præsertim ad Christia-
nam doctrinam docendam.

CHRISTIANAE doctrinæ scholas, quas gym-
nasiola spiritus Sancti recte nominauerimus,
Reuerendissimi Patriarchæ sapissimæ visitan-
das curent, illarum numerum augeant, reli-
giosis viris, qui in hac præstantissima vrbe non
desunt, opus **DEI** commendent. Piorum
hominum societates, quas Oratoria vocant vi-
sitent, per aliosque per se etiam ad primum hoc
opus, quod **DEO** est acceptissimum in-
uitent.

INDVLGENTIAS aliquot ante annos con-
cessas diligenter considerandas curent, stu-
deantq; ne inde turpe caperetur lucrum contra
Sacrosancti Tridentini Concilij decretum.

SANCTORVM, & Sanctarum, qui in cœlis
habitāt, & pro nobis in hac lachrymarum val-
le degentibus orant, reliquias, quarum vene-
rationem post verbum **DEI**, (vt Sanct. scri-
bit Chrysostomus) mirum in modū piæ men-
tes ad veram pietatem excitātur, iussimus ho-
nesto, & decenti loco condendas. Quare Re-
uerendissimi Patriarchæ ordinationes nostras
curent

Patriarchas pertinent.

7

curent seruandas, omniumque reliquiarum, quibus singulari DEI beneficio inclyta, & catholica hæc ciuitas abundat, memoriam in archiuio quodam in patriarchalib. ædibus custodiendam curent.

REDITVVM omnium parochialium ecclesiarum, & non parochialium etiam si quæ sunt, memoriam ad iura ecclesiastica conseruanda in eodem archiuio collocent.

NON permittat Reuerendissimi Patriarchæ Vicarium suum, nec quemquam suorum a quouis hominum genere munera accipere, cū Clerici, Sacerdotes, Moniales etiam muneribus varijs sibi condonatuos Prælatos multa ad ecclesiasticam disciplinam minuendā, aut etiam eneruandam sibi polliceantur.

CVM duplici cultu principi, & auctori bonarū rerum omnium DEO honor exhibetur, ni mirum interiore, qui fide, spe, & charitate exhibetur, & exteriore, qui in ceremonijs est constitutus, Reuerendissimi Patriarchæ Magistrum ceremoniarū in cathedrali ecclesia constituant, qui ceremonias à Sancta Romana ecclesia institutas norit, curet adhibendas, illas etiam doceat.

CVM plurimos Sacerdotes non solum ex ijs,

A 4

qui ex

8 De ijs, quæ ad Reuerendis.

qui ex alijs diocesisibus in hanc urbem confluunt, sed ex illis et, qui Venetijs, sunt orti, & numquam ex hac urbe discesserunt, ceremonias ignorare compertum sit, Reuerendissimi Patriarchæ è clero suo quatuor deligant, qui Sacerdotes celebrantes audiant, obseruent, illorumq; corrigant. Quod si debitas ceremonias non adhibuerint, & barbaris plurimis audientium animos offenderint, a missæ celebratione suspendantur, nullusq; Plebanus in suam ecclesiam Sacerdotem admittat ad celebrandum, nisi Ordinarij, aut Vicarij facultatem ostenderit, & nisi se approbatum fuisse ad celebrationem missæ subscriptione illorum, quibus hoc munus iniunctum fuerat fidem fecerit. Hanc autem facultatem præcipue requirendam esse volumus ab ijs, qui primam missam celebrare voluerint, quos ad celebrationem accedere prohibemus, nisi prius ceremonias recte nouerint.

CV M ad ecclesiasticam disciplinam retinendam & ad scandala, quibus piorum animi offenduntur, remouenda, honesta cohabitatio magnam vim habeat; iubeant Reuerendissimi Ordinarij sæpe à Vicario suo generali, siue ab electis ab eis visitatoribus parochorum, & Sacerdotum domos ex improviso visitari, prohibituq; sit paro-

Patriarchas pertinent.

9

fit parochis & Sacerdotibus mulierem quam-
vis sibi ancillam sumere, nisi iudicatam mi-
nime suspectam incontinentiæ ab eisdem Re-
uerendissimis Ordinarijs, seu eorum Vicarijs,
aut ab eisdem Visitatoribus.

REVERENDISSIMI Patriarchæ curent ta-
xam Cancellarij, & notariorum suorum redi-
gere ad formam præscriptam à Sacrosancto
Conc. Trident. ad tollendas multorū querelas.

STUDEANT vt Canonici horas canonicas
perfoluant horis, & loco constitutis, silentium
seruent in choro, literas non legant, decorum
seruent, & cum ijdem Canonici non ignorent
regem regum, & dominum dominantium IESUM
CHRISTUM cum legionibus An-
gelorum eo in loco assistere, mentem suam ele-
uent in cœlum, laudent Dominum ore, & ope-
ribus, angelicum chorum in hac militanti ec-
clesia referentes angelicam puritatem perpe-
tua castimonia imitentur.

PROHIBEANT omnino Reuerendissimi Pa-
triarchæ ne in ecclesijs sibi subiectis quo tem-
pore diuina celebratur officia pauperes cuius-
cumq; generis exceptis ijs, qui pro locis pijs
elemosinam petunt, mendicare; illos tamen
ad valuas ecclesiæ mahere permittant.

De ijs,

De ijs, quæ pertinent ad Pa rochos.

CVM decorum ecclesiasticum non solum à virtutibus proficiscatur, sed etiam in vestitu, & incesu dignoscatur, parochi, & Sacerdotes omnes, Diaconi, Subdiaconi, omnes itidem Clerici, qui in hac vrbe degunt. moderationem in vestitu adhibeāt, à vestibus coloris rubei, albi, & violacei omnino abstinuant, ne in vanitatis, & superbię suspicionem incidāt. Vt enim distincti sunt dignitatum gradus, ita diuersorum colorum vestes diuersis statibus conueniunt, & nisi etiam ordo in vestibus seruetur, plurima oriuntur scandala. Qui huic constitutioni non paruērint puniantur arbitrio Reuerendissimorū Patriarcharū.

CVM Clerici omnium generum in sortem Domini vocati præcipuo, & excellenti quodā modo cœli, & terræ Domino D E O seruiant, vt a cæteris Christianis dignoscantur maxime conuenit. Quamobrem præter tonsurā quam vnusquisq; in capite gestare debet, biretum etiam

etiam in formam crucis gestent, vt se Sacerdo-
tes, ministros DEI, nuntios CHRISTI,
sanctissimæq; eius crucis prædicatores verbo,
& exemplo ostendant. Quod si qui viri senio
confecti, & qui longo tempore animarum cu-
ram habuerint, sintq; vniuersæ ciuitati præbe-
noti id moleste tulerint (quod putare minime
deberent) cōcessum sit illis illud gestare bire-
tum, quod ad hanc vsq; ætatem gestauerint.
Ad remouēdas autem omnes perturbationes,
quæ ex hac bireti mutatione oriri possent, de-
cernitur, vt nullus clericus possit ad aliquem
sacrorum ordinum ascendere, nisi biretum in
formam crucis, quod sancta Romana sedes sa-
crorum dogmatum, & constitutionum opti-
marum magistra probat, deferat. Quia in re si
quis Reuerendissimos Patriarchas deceperit,
sit statim priuatus eo titulo ad quem ascende-
bat, & alia etiam pœna ad arbitrium eorūdem
Reuerendissimorum Patriarcharum puniatur.
Quod decretum consulto Sanctissimo D. N.
Gregorio XIII. vt ex literis Illustrissimi Car-
dinalis Comensis constat, promulgamus.
CVM sæpe acciderit ob vestium formam mini-
me diuersam ab ea, qua vtuntur Senatores, Me-
dici, & Sacerdotes, vt iidem Sacerdotes à cæ-
teris

olteris minime dignoscantur, & iccirco debitus
illis honor non exhibeatur, laiciq; hanc ob cau-
sam in suspicionem inciderint prouiores esse
quæ ad peccandum, cum illos Sacerdotes, aut cle-
-irricos esse plurimi nesciant; vestes clericis, &
ad Sacerdotibus accommodatas induant mani-
ficis minime laxis, non gestent anulos nisi do-
-ctoratus dignitate sint præditi, & nisi sint ca-
-nonici, aut plebani.

CVM Sanctus Apostolus Paulus illis verbis: Et
si decem millia pædagogorū habeatis in, CHRI-
STO non tamen multos patres; magnam in-
-ndicet esse vim paterni sermonis, monemus
-parochos præstantissimæ huius vrbis, obse-
-ramusq; per viscera Domini Nostri, IES V-
-CHRISTI, vt inter missarum solemnias par-
-uulis frangāt panem, pauper culis hominibus,
- & mulierculis, quæ ad concionatores audien-
-dōs nō possunt accedere, sanctum Euangeliū,
- aut Epistolam, vel saltem Euangelij partem,
- aut Epistolā, siue Sacrosanctæ Missæ Introitum
- explicent, gloriam, & poenam, virtutes & vi-
-tia, vt Sanctus monēbat Franciscus, cum bre-
-uitate sermonis doceant, minime se extensum,
- nec prauam tacendi consuetudinem causentur;
- Sciantq; linguas infantium disertās facere Do-
minum,

minum; & recordentur illa prophetæ verba.

Ve mihi quoniam tacui.

CVM in parochijs Sacerdotes dati sint parochis in partem illius solitudinis, vt eorum opera ad lucrandas animas **CHRISTO** adiuuentur, & sint aliqui qui extra parochias habitent, indeq; accidat, vt parochis opera suam interdum cum necesse est non exhibeant: hac constitutione decernitur, vt presbyteri in propria parochia, in domibus ecclesiæ habitent: quod si duorum mensium spacio huic decreto parere neglexerint Reuerendissimi Ordinarii arbitrio puniantur.

CVM Venetus clerus in notiem Sacerdotum congregationes, in quas parochi ecclesiarum, & presbyteri titulati admittuntur, sit distinctus, cumq; hac varietate Veneta Patriarchalis ecclesia circumdata magnopere illustretur, dum in publicis supplicationibus, quas processiones nominant, congregationum fratres adfunt, decorum seruent, ab otiosis verbis, ne dum à turpibus, & à risu abstineant, vultu graui, demissisq; oculis sacerdotalē retineant dignitatē.

CVRENT singuli Archipresbyteri nouæ congregationum, de quibus mentionem fecimus, vt non congregentur tantum illis diebus, quibus ex-

bus exequiæ sunt faciendæ, sed ter etiam in hebdomada in eadem ecclesia, vbi congregationes fieri solēt, ad ecclesiasticam disciplinam percipiendam, ad casus conscientiæ examinandos, interrogent se mutuo, mutuo se doceant nobilissimam pascendarum animarum artem.

MAXIME laudabilem fraternitatum morem retineāt Sacerdotes Veneti, quemadmodum plurimos iam annos receptum est: vt confacerdotum suorum funus prosequantur, ægris subueniant, eorum animas sanctissimis missarum sacrificijs iuuent, fraternum amorem non modo erga mortuos, sed maxime erga viuentes ostendant, fraternam adhibeant correctionē, ad optimarum artium studia, ad pia opera confacerdotes excitent suos, illud sæpe considerantes, mandasse Dominum vnicuiq; de proximo suo.

PAROCHI qui Plebani in hac vrbe nominantur magnam adhibeant curam in clericis suis erudiendis, patres se illis à Domino **D E O** datos sciant, examinent illos sæpe in primis artibus, curent vt etiam in musicis progressus faciant, a laicorum consuetudine ipsos diuellant, in functionibus ordinibus, quos susceperint accommodatis illos exerceant, ad Reuerendissimos

ad Parochos.

15

rendissimos Patriarchas singulis mensibus illos ducāt, vt paternis hortationibus ad veram pietatem & ad ecclesiasticam disciplinam excolendam excitentur.

CVM parochis reddenda sit ratio in tremendo illo iudicij die de ouibus, quas eorū fidei commisit Dominus, animas suā parochiā in librū quendam redigant, obseruentq; si quis fortasse Sanctissimæ Eucharistiæ Sacramentum sumere paschatis tempore prætermiserit, illum moneant, reprehendant deinde acriter, & si aliquorum dierum spacio ecclesiæ obtemperare recusauerit, ad Reuerendissimos Patriarchas deferat.

CVM ad parochiales ecclesias petēdas, ad quas suffragijs parochianorum parochi nominātur, pro eliciendis suffragijs magna diligentia adhibeatur, multæ fiant prehensiones, in vicis etiam clamoribus, & vociferationibus Sacerdotes suffragia aucupentur. Hæc constitutione decernitur, vt qui ambitus conuictus fuerit, quiue muneribus, aut precibus suffragia obtinere studuerit, à Reuerendissimis Patriarchis minime cōprobetur, quod immoderato consequendæ parochiæ studio illa parochia se indignum ostenderit.

CVM

CV M nihil ita dedecet Sacerdotem, quam avaritia, & turpis lucri cupiditas, caueant parochi, ne pro sepeliendis mortuis pecuniam petentes turpis lucri cupidos se ostendant, in populorum inuidiam incidant, seq: indignos ministros **CHRISTI**, & Sacerdotes **DEI** prodât; inopes sine vlla eleemosyna pie sepeliant. Quod si turpe lucrum captasse pro sepultura ab inopibus conuicti fuerint, ideoq; corpora insepulta reliquisse probatum fuerit, graui poena a Reuerendissimo Ordinario, vel eius Vicario puniantur.

CAVEANT maxime Sacerdotes, ne temere ad Sanctissimum Sacrificium missæ accedant, debitis meditationibus, confessione etiâ peccatorum suorum se præparent antequam sacrosanctum altare adeant, sibi confessores deligant, aut religiosos viros, aut vnum è presbyteris suis, quocumq; sapissime conscientiam suam examinent, & purgent. Quod si quis ex improviso interrogatus fuerit à Vicario, cui nam peccata sua confessus fuerit, & illum non indicauerit, arbitrio eiusdem Vicarij puniatur.

ID maxime vsu venire compérimus in Sacerdotibus, qui laicorum familiaritate vtûtur, quod ridiculi plerumq; fiant, verbis sæpe iniuriosis offendan-

offendantur, corū erratā ita crebro ab eisdem laicis diuulgentur, atq; etiam amplificentur, vt magnam existimationis suæ iacturam faciāt. Fugiant igitur Sacerdotes laicorum familiaritatem, se DEI ministros esse intelligant, tempus recte diuidant, canonicis horis persoluedis, celebrandis missis, audiendis confessionibus, & clericis suis ad virtutem excitandis se dedant, a curiositate, à nugis, quas in ore Sacerdotum blasphemias Sancti nominat Bernardus, abstineant, sciant se temporis, quod male collocauerint Domino rationem reddituros. Otiosos Sacerdotes, qui statis quibusdam horis tempus in locis publicis conterunt, Reuerendiss. Ordinarius acriter reprehendat, puniat etiam arbitrio suo.

CVM in singulis ferè parochialibus ecclesijs inclytæ huius vrbis Sacerdotū sint capitula, hortamur per viscera Do. N. IESV CHRIS-
TI presbyteros, Diaconos, subdiaconos, Plebanum vehementer, vt pacem colant, vt se inuicem tolerent, diligāt potius fraterno amore, certent officijs mutuis, sciant Sathanam in capitulis discordiam serere, vt sacrosancta sacrificia, quæ DEO offeruntur minus a ter-
no petri sint accepta. & futuram eandem suam

magis augeat: Sciant etiã pacificos filios DEI nominari, & mansuetos in bono malos vincentes possidere non solum hanc, sed etiam terram viuentium.

MEMINERINT sæpe parochi se omnium, qui in parochia sua degūt non solum pastores, sed etiam patres esse, ad illosq; pertinere sæpe de salute suorum parochianorum cogitare, rationeq; reddituros, si **DEVM** non cognouerint, si ignorãtia christianæ religionis. **DEI** visione priuati perpetuis cruciabuntur miseris. Ideo deligant è clericis, vel subdiaconis, è Sacerdotibus etiam qui doctrinam Christianam constitutis horis doceant, parentesq; ad filios suos ad ecclesiam mittendos hortentur. Qua in re si paternæ suę curę defuerint acriter illos reprehendent.

CVM missæ sacrificium incredibiliter defunctis in purgatorio degentibus prosit ad acerbissimam illam poenam minuendam, danda est parochis opera, vt missæ pro defunctis celebrentur, monendiq; sunt illi ad quos spectat, atque etiam pro munere suo si necesse fuerit in iudicium vocandi, si illud debitum soluere recusauerint: grauissime illos peccare ostendent, cū parochiam illam tot sacrificijs defraudent, ingratos

gratos etiam esse, & iniustos in parentes suos, aut in illos, quorū hereditas ad eos peruenerit. Quia in re si aut timore, aut amore, seu negligentia suo muneri defuerit Parochus, à Reuerendissimo Ordinario puniatur.

ROGENT VR ab eisdem Parochis illi, ad quos spectat Sacerdotes qui Mansionarij dicuntur, nominare, ut Sacerdotes minime regulares probitate, & cognitione literarum præstantes nominent, quorum opera ipsi possint uti ad animas **CHRISTO** lucrandas.

CAVEANT maxime ne religiosos, qui superioribus suis minime parent, Venetis Sacerdotibus anteponant, & singulo semestri hoc decretum illis, qui ius habent nominandi Mansionarios, aut legant, aut quid ipsis sit cautum parochi ipsi explicant.

DILIGENTIAM adhibeant iidem Parochi in dignoscendis Sacerdotibus, qui pro Mansionarijs interdum celebrant, & sine Reuerendissimi Patriarchæ auctoritate non permittant quempiam in ecclesia sua celebrare. Quia in re si contrafecerint à Reuerendissimo Ordinario puniantur.

CVM nulla inter virtutes, quibus maxime clerici laudantur, præstatio sit virtus, magis quæ ne-

cessaria quàm deuotio, ad alédam eandem deuotionem singulis saltem mensibus; quemadmodum à sacrosancto Tridentino Cócilio decretum est, Clerici cuiuscumq; parochialis ecclesiæ de manu suorum parochorum, quos Plebanos nominamus, sumant. Qua in re si iidem Plebani officio defuerint suo ab Ordinario acriter reprehendantur; pñiantur etiam eius arbitrio.

CVM Sanctissimo Eucharistiæ Sacramento nullus tantus exhiberi possit honor, quin sublimior debeat, probamus maxime illorū pietatem, qui pro collocando Sanctissimo Sacramento altaria magnifico sumptu ædificauit, quibus illud eodem in loco seruari hac ordinatione sit permissum: decernimus tamen morem Sanctæ Sedis Apostolicæ Romanæ, & consuetudinem nobilium ecclesiarum sequentes, ut quicumq; Plebani, aut confratres Sanctissimi Sacramenti, idem Sanctissimū Sacramentum in altare maiori collocare voluerint, hac in re piæ eorum voluntati possint satisfacere, quin potius ad hunc ipsam honorem sacratissimo corpori **CHRISTI** exhibendum illos in Domino hortamur.

CVM sæpe vsuueniat, ut obstetrices infantes baptizent,


ad Parochos.

21

baptizent, & iidem infantes nulla adhibita diligentia iterum à parochis baptizentur, diligenter eadem obstetrices interrogentur, num infantes baptizauerint, ne sanctissimum Sacramentum, quod iterari nequit, inconsiderate iteretur.

IN contrahendo matrimonio verba de presenti semel tantum proferantur praesente parochio, quod si prolata fuerint in priuatis domibus ita permittente Reuerendissimo Ordinario, in ecclesia iterum minime proferantur, cum semel consensu praestito matrimonium contrahatur.

AD conseruandam imo potius ad augendam ecclesiasticam disciplinam singuli Plebani, omnesq; Sacerdotes cuiuscumq; parochialis ecclesiae Reuerendissimi Patriarchae constitutiones saepe legant, & in suis capitulis mensibus singulis recitandas curent, non desinantq; ipsi singulos hortari ad earundem constitutionum obseruationem, nostraq; itidem haec decreta seruanda student.



De Clericis Seminarii.

CVM Seminarium iuxta Sacrosancti Tridentini Concilij formam à Reuerendissimo Patriarcha erectum cura religionis hominum, quibus est creditum progressus in christiana pietate, in ecclesiastica disciplina, & in literis multos faciat, cumq; pij homines in certâ spem venerint inde pios Sacerdotes, & bonos Parochos esse profecturos; ad propagandam ecclesiasticam disciplinam in omnibus parochialibus ecclesijs; hac constitutione decernitur, vt in singulis eisdem Parochialibus ecclesijs Seminarij clerici possint nominari, atq; etiam eligi, si prius huiusmodi facultatem à Reuerendissimo Patriarcha impetrauerint; cum cathedralis ecclesię filij cleri, & piorum hominum eleemosynis adiuti, passim ecclesijs omnibus exemplo, & doctrina sua debeant consulere,

F. I. N. I. S.

227298



